

東華續錄

東華續錄

同治東華續錄二十八

臣王先謙敬編

臣張式恭校

十一月甲辰朔諭議政王軍機大臣等吳棠奏捻股西竄曹單派隊跟追並官軍連破蒙東賊壘間敬銘奏南捻蠢動勢難分兵赴皖各一摺南捻項盤劉全李大箇子由豐縣擾及山東之金鄉單縣嶧縣城武等處旋由西南各路回竄陽山一帶見在東境雖已無匪蹤惟南捻屢由金鄉等縣北犯已成該逆熟徑難保不再圖回竄著吳棠間敬銘督飭兩省官軍會同進剿務將此股殲除淨盡不得以賊匪業經擊退即可卸責也見在東省勇丁既據間敬銘奏稱所留無多即著無庸抽調赴皖助剿其遣撤歸農之勇丁能否散而不聚有無後患著閩敬銘體察妥為辦理毋令日後滋生事端所練馬隊並著該署撫督飭丁寶楨挑選額兵配騎操演務使認真訓練不可有名無實蒙城官軍已將正西及西南東南三面賊營包圍陳國瑞見派遊擊李坤等在蒙南紮營一座擬再添營兩座四面長圍漸合著吳棠督飭陳國瑞將蒙南營壘趕緊築成我軍一經合圍則賊之糧運即斷攻剿自易得手僧格林沁已抵亳州即日進兵剿苗國瑞馬隊已由徐赴宿各該營餉需並著吳棠隨時接濟僧格林沁既已抵皖所有該省軍情及應行請獎人員著吳棠知會富明阿嗣後均由該提王陳奏以一事權將此由五百里各諭令知之○諭前因毛震壽奏陳漢南艱窘情形請於川省借地抽取鹽釐濟餉當經諭令駱秉章按照所奏籌辦嗣因劉蓉奏稱川省鹽釐應由井竈抽取復經諭令駱秉章酌量辦理茲據駱秉章奏稱川省鹽釐疊經酌定稅則在渝城並富榮健樂等廠設局分按斤包水引抽取自滇匪闖入後塞井夷竈陝商在川貿易者多將資本運回原籍復被陝回焚掠至今尚未全行復業兼以淮運已通楚鹽價減川商無利可圖請免予再抽陝省加半鹽釐等語自係為體恤商情起見惟前據劉蓉奏稱川省各廠鹽策之利井竈實居其源而商販特承其流擬就井竈起課按鍋計鹽按鹽定釐是駱秉章所謂鹽釐者係就商運之鹽分別按計斤包引數抽取劉蓉所謂鹽釐者係就井竈按鍋計鹽抽取辦法本有不同見在川省商力雖疲而各處銷鹽之路尚無阻滯劉蓉前任川藩一載有餘所擬由井竈抽釐之法自必確有所見著駱秉章仍按該撫原奏悉心妥籌覈實定議具奏以裕度支而資餉源將此諭令知之○乙巳李鴻章奏臣周歷蘇州省城東南北各門察看形勢太湖之水由胥口鮎魚口流入胥盤兩門外繞至婁門齊門大河如帶橫暨三四道環衛城垣該逆憑河築長城周圍十餘里槍眼礮臺層層密布長城內石壘土營數十座南自盤門北至婁門聯絡扼紮牆內多穴地為屋堆土覆板於其上以避開花礮布置極為嚴整而婁門外石壘長城尤高且堅程學啟所部各營與之隔河對壘已踰兩月屢攻不下賊之精銳盡聚於是臣與程學啟等再四籌商須先設法攻破此處使該逆藩籬盡失我軍乃可直抵城下十

月十六夜四鼓各軍銜枚而進月霧迷茫中偷搭浮橋該逆已有防備伏垛開槍子密如雨戈登帶隊衝入炸礮火箭迸發賊於暗地藏避抵死對擊傷我弁勇數十名斃洋兵頭目數人程學啟大呼猛撲萬槍排放殪賊無數而守垛悍逆寂然不動天已嚮明仍各撤回戈登約於十九日調齊炸礮二十餘尊合力攻打探知偽忠王李秀城因我軍攻剿緊急十八日由望亭帶悍逆千餘繞路入城協守十九日程學啟督所部各隊緣南岸進戈登督常勝軍緣北岸進臣在望樓高處督戰該逆旗幟布滿戈登督率弁兵排列開花礮位對準轟擊自辰至午長城堅壘土石亂飛塌缺十餘處守壘之賊當之輒碎餘均伏地窟中程學啟戈登帶隊乘勢搭橋過河忽忠逆募逆率死黨萬餘人出城湧至助守營牆程學啟揮令王永勝等四路越濠齊進逆勢稍卻戈登帶奮勇槍隊肉薄以登立將長城攻破壘賊惶遽各軍分投攻奪忠逆大隊併力衝突程學啟督軍屢戰逾時該逆狂奔入城陳東友水師復登岸夾擊所有婁門賊壘二十餘座次第燒毀擇其衝要者分兵駐守是役也弁勇傷亡五百餘人斃賊五六千人二十日齊門外賊營四座知東門長城已破官軍偪紫自相驚擾黃翼升等乘勢蹙之亦潰入城其盤門外賊營經李朝斌等水陸各軍於十二日攻克我軍收隊後賊復填紮臣飛調駐守西塘之總兵楊鼎勳選帶洋槍隊千人前來助攻十九日楊鼎勳率同副將尹連陞等會合水師攻撲尹連陞拔椿踰濠中礮死之二十日李朝斌楊鼎勳等督軍猛進賊潰追至城根擒殺頗多又踏毀賊壘四座此連日攻克婁齊葑盤四門外賊壘長城之實在情形也臣查蘇州省城賊屢挫勢已窮蹙但恃城外大河長牆堅壘爲憑依之固我軍礮火雖多難以偏城轟打幸賴將士用命齊心血戰立破長城石壘多座於是東南北三面我軍可徑抵城下賊膽已寒頗有逆酋乞爲內應者臣暫給諭招撫督同程學啟妥籌辦理惟蘇州爲忠逆巢穴志在死守仍欲出擾我軍後路圖解重圍城內精壯老弱聞有十萬餘人無路能逃不得不爲困獸之鬪臣惟謹慎戒備一面督軍乘勝攻擊以冀早克省垣仰慰 慈廑總兵銜儘先副將尹連陞力戰傷亡應懇恩飭部照總兵陣亡例從優議卹又奏無錫各軍乘勝偏剿十月廿六日李鶴章令張樹聲周盛波等由鴨城橋進扼東面城根直抵附城三里街前該處賊卡多座伏賊數百名我軍以小隊攻撲賊出卡抵拒片時即潰各軍分投築壘一面排隊備禦午刻城賊突出二百餘名各路奮擊屢戰兩時斃賊匪多名始復潰退薄暮又出黑龍旗數十面專帶洋槍六百桿越河來撲勢極兇悍張樹聲羅馬大呼衝入賊陣張樹聲從旁夾擊劉銘傳周盛波兩路追剿槍斃無算各營均於東門外二三里內紮定劉銘傳所部四千餘人原紮青陽至西高山自初五日該鎮親帶千人赴東路合剿其原營軍務暫令縣丞刁祖謙主守刁祖謙以萬壽橋踞賊偏近恐其偵我分隊遠出乘虛來攻不如先發制之適連朝大霧遂於十五日

早出四營隊伍棄賊不意連毀橋南北賊營三座擒斬百餘名仍於霧中四伏疑兵掌號放槍以小隊次第進擊比及霧散賊壘數十座已驚潰一空俱退往斗門一帶屯踞萬壽橋爲進兵高橋要路遂抽隊守之見錫城東面已無賊營南北爲高橋及望亭兩處賊壘林立劉銘傳擬進攻高橋直逼城北李鶴章派郭松林六營暫作遊擊之師相度賊勢再圖合圍上諭議政王軍機大臣等李鴻章親督程學啟戈登等各軍奮力猛攻將各門外長城十餘里賊壘二十餘座全行攻毀東南北三面我軍已可徑抵城下賊膽已寒惟蘇州爲忠逆巢穴志必死守城內賊眾尙十餘萬無路逃生不得不爲困獸之鬬且恐忠逆詭詐仍欲出擾我軍後路圖解重圍著李鴻章督飭各軍乘勝轟打當茲功在垂成尤應嚴密戒備不可稍設疏懈以策萬全城中逆酋乙爲內應未知是否可信李鴻章督飭程學啟等妥籌辦理毋稍大意無錫各軍乘勝偪剿李鶴章劉銘傳等復將附城三里街及萬壽橋賊壘數十座全行擊潰錫城東面已無賊營南北惟高橋及望亭兩處賊壘林立劉著李鴻章督飭李鶴章劉銘傳等速即進攻高橋直逼城下仍將郭松林等遊擊之師相機調度力圖合圍務使蘇錫兩城之賊不能相顧官軍得以早復名城同膺懋賞實殷厚望將此由六百里諭令知之○唐訓方奏逆匪於蚌埠水陸拒守我軍屢攻未克已掘長濠圍之而後路湖溝以西各圩間有反正之機若非臨以兵威仍恐觀望不前臣於十月十九日馳回臨淮札調陳松一營進紮湖溝使附近各圩知所畏懼黃開橋新辦礮划百隻本欲撥赴臨淮助剿因邳宿一帶捻匪蠢動經吳棠截留防剿幸提督李世忠派來礮船三十隻合之臨淮舊有之船尙數守禦旋接李世忠咨稱十月初三日攻克柘圩之後旬日之間共破壽州附近賊圩四十一座擒斬萬餘人並得糧三千餘石該提督此次進兵甚屬奮勇兇仍催令速進爲搗穴焚巢之計至蒙城各軍疊據英翰稟稱自初十以後連日移軍自西而南並隨同將軍富明阿馬隊衝賊糧路疊有斬獲又據陳國瑞函稱該城東南李圩爲賊屯糧之所該鎮督軍將李圩南北七壘攻克惟李圩圍困未下連日移營正南斷其糧道與西南英翰各營相連已成合圍之勢臣查圍蒙之賊見經官軍斷其水陸糧道遠近各圩兼聞信格林沁將至懾於軍威盡思返正剿辦較易爲力臣仍督飭前敵諸軍圍攻蚌埠以圖懷遠上諭蚌埠懷遠爲蒙壽兩城適中扼要之區非速行攻拔不能斷蒙壽兩處逆匪聲援見當蚌埠攻剿喫緊之際該撫遵行回駐臨淮恐前敵諸軍因此鬆勁湖溝地方既有陳松一營由固鎮移紮該處足資防禦該撫俟辦理反正各圩已有頭緒後仍當親往蚌埠督飭前敵各軍將該圩速行攻拔以便進克懷遠不可坐失事機李世忠一軍屢克賊圩多處前因其距壽州城外僅十餘里諭令曾國藩飭令該提督將壽州速行攻拔並飭蔣凝學成大吉各軍會合進攻復據富明阿奏稱已否該提督令其進取下蔡力圖苗逆老

巢此次該撫所奏亦有函催該提督速進爲擒穴焚巢之計見在李世忠應否先取壽城或越過壽城先擒下蔡老巢之處著唐訓方商同該提督斟酌辦理總須顧定後路勿爲匪軍鈔襲方爲妥善將此由五百里諭令知之○子江蘇陳亡副將尹連陞祭葬世職○撥湖北江漢關銀三萬兩濟安徽臨淮軍需○丙午諭議政王軍機大臣等玉明等奏盜匪同竄吉林長春廳屬之靠山屯等處仍催兵追剿一摺據稱該匪竄至梨樹城肆擾後齊秀等竄回江東滾地雷王五等竄至吉林之靠山屯等處地方約有五六百人景綸等已派兵役四百名馳往防剿玉明前調官兵二千餘名亦已陸續前進如果匪徒僅止五六百人玉明所派官兵已數千人諒茲小醜不難剋日殲除惟玉明所派帶兵之員係屬何人未據陳奏儘將領不得其人則散而無紀何能得力著玉明等於該處品級較大各員遴選知兵能戰者將調派各兵交其統帶迅催星夜趕赴賊聚處所奮力進剿儘派出之員帶隊不力觀望遷延或遇賊即潰卽著嚴參懲辦盛京爲根本重地平日聚養兵丁坐耗餉精及匪黨竊發任令肆意侵擾毫無阻遏該將軍等自問當得何罪該匪已竄吉林所屬地方著景綸嚴催何常常壽等遇賊卽擊與盛京派出各軍合力兜擊就地殲除毋稍大意吉林兵數較單仍著玉明等飭令兵弁會合追捕不得稍分畛域致誤事機寶善早經啟程著卽星馳前進將剿匪一切事宜會同玉明等妥籌辦法毋稍稽延將此由五百里各諭令知○唐訓方奏蚌埠地方濱臨淮河爲進攻懷遠之要隘苗沛霖派死黨張士端率眾邀集於蚌埠南北兩岸築壘拒守阻我進兵之路當飭總兵王才秀張得勝等軍分路前進將賊壘包鈔復飭統帶水師副將劉明典等會同陸隊晝夜環攻一面趕將長濠挑成絕賊運糧採薪之路適江南提督李世忠派李顯爵統帶礮艇亦於十月二十二日駛到協力轟擊該逆屢次出撲均經官兵擊退各圩練總先經臣補加開導相率歸誠莫肯助逆張士端見眾心渙散我軍又層層包圍自知力不能支卽託圩民代求已革知縣英俊轉稟情願獻出蚌埠藉圖自贖臣令代稟人等論以如能於獻出蚌埠後再將懷遠縣城獻出方准收撫旋據張士端密稟城中練總業已密商允協惟苗逆因大兵猛攻蚌埠添派心腹小隊八百名分布懷遠四門守備甚嚴乞我軍讓出一路俾先率眾佯敗退回城中俟官兵一到卽令帶回人眾反攻內應等語臣揣其情勢尙非詭計當於二十五日酉刻先將南岸西面營盤暫令移併空出兩營張士端見我軍移動水陸並眾隨即向西狂奔當飭各軍勿追以堅其信立將南北岸大小兩蚌埠地方收復二十六日臣趕赴前敵是夜親督水陸各軍銜枚疾進黎明直薄懷遠城下賊不虞官軍驟至倉猝登陣臣正揮眾攻撲間適李世忠親率李顯發李顯安等馬步數千星夜馳到會合夾擊忽聞城內人聲鼎沸城牆站立之人慌亂返顧臣知內應已成卽飭我軍併力仰攻逆眾大亂忽見東門驟開王才秀英俊

卽率領兵勇冒險衝入進張士端趕至涕泣跪接據稱苗逆小隊先已般斃三百餘名臣督飭將士整隊入城搜捕逆黨淨盡當將城池收復查懷遠一城形勢最居險要苗逆倡亂之始首先占踞其計甚狡今幸脅從解散酋首輸誠立將要隘城池先後收復從此妥籌攻守實足上握蒙臺樞紐下爲清淮屏藩查張士端從前勦擒出力歷保花翎都司並加勇號雖從逆拒官而此次獻隘殺賊接應官軍立將縣城克復實能愧奮立功合無籲懇 皇上天恩俯准賞復張士端原官勇號花翎以遊擊儘先補用以爲首先投誠立功者勸已革同知銜懷遠縣知縣英俊素爲民情所愛戴此次實力勸導且隨同弁勇首先進城實屬著有勞績擬請開復原官原銜至勦辦尤爲出力之總兵王才秀朱淮森擬請以總兵遇缺卽補並加提督銜何紹彩擬請遇有提督缺出請旨簡放又遇缺提奏提督張得勝李顯發李顯爵官職較大均懇 天恩逾格獎勵其餘在事出力員弁可否各 臣擇尤保奏出自 聖主恩施 上諭懷遠一城東據臨淮上游西爲壽州下蔡正陽等處門戶西北由渦河直達蒙城最關險要苗逆自占踞該城後率眾逾萬於蚌埠南北兩岸拒守阻官軍進取之路經唐訓方調派水陸各軍層層圍裹賊勢不支逆黨張士端窮蹙求撫先後將蚌埠要隘及懷遠縣城獻出唐訓方見已督帶將領整隊入城其尤爲出力各員均照所請先予獎敘惟張士端係苗逆死黨屢抗官軍前經降旨革職僅能悔過自新擒斬苗逆方准開復今力竭勢窮始行反正城雖獻而首逆未除未便遽准開復原官念其獻出城隘尙知順逆降旨先行賞給遊擊銜仍著唐訓方用爲前隊嚮導官軍攻取苗逆老巢若能使元兇授首自當格外施恩准予開復李世忠聞知蚌埠收復卽親率李顯發等馳赴懷遠會合夾擊切辦昌覺奮勉見在懷城已克李世忠一軍應否進攻壽州抑或直擣下蔡著僧格林沁會同藩商同唐訓方等酌量調遣毋誤事機臨淮一帶水師見在作何布置如淮流向未枯涸唐訓方應督飭礮船由懷遠沂流而上南可以攻取正陽壽州斬關奪隘北可以攻取下蔡老寨埭穴擒渠惟當與李世忠所部水陸並進使該逆應接不暇諒不難剋日殲除蒙城糧食將盡危迫萬分所有小澗集雜糧前據富明阿奏礮船既不能運送開挖地道又徒勞無功半月以來城中情形若何聲息能否相通朝廷實深慮念苗練回撲蒙城時馬新貽因救援臨淮未回蒙邑英翰以數千人扼紮小澗集所恃以守城殺賊者僅練總李南華一軍耳其奮發有爲之概求之將弁中不可多得見被苗練圍攻日蹙若不設法援救恐壯士聞而灰心苗逆亦因之得志著僧格林沁督同富明阿等迅飭諸軍一面截賊糧運一面挑選勁旅分攻賊營務期糧道可通城中得有接濟方爲妥善若徒以外門賊營爲事遷延日月坐令蒙邑被陷縱能攻破賊營恐所得不償所失也將此由六百里各諭令知之○諭張集馨奏彙報各路勦匪獲勝情形並周有全李雲麟各軍擊賊獲勝等

摺片曹克忠一軍由三水直抵白吉原誘賊出戰斃賊甚多賊向固原而遁雷正綰自攻克拜家河後肅清永壽立解邠州城圍將亭口賊巢攻克見與曹克忠約會夾擊陶茂林自克麻子崖後復攻克挑園堡火燒村等賊壘多處惟鳳翔府北尚有大批賊巢直達汧隴著多隆阿即飭陶茂林將郡北大股逆匪掃除直達平涼力圖收復雷正綰當乘此聲威即行入甘節節掃蕩如沿途尚有阻隔著熙麟派兵迎探會合進剿並激勵兵勇俾益加鼓舞以收廓清之效陝西餘匪未靖更當飭令曹克忠一軍實力進剿餘孽再行節節前進盤壓一城前據多隆阿奏業經合圖近日當已攻拔著即督同穆圖善等認真剿辦山陽逆匪圖竄商州雖李雲麟等小有擒獲尚未據報克復張集營摺內有李雲麟連日未曾出隊及藍斯明人馬俱受槍傷等語著劉蓉飛催李雲麟迅將山陽攻復盡殲醜類如任令竄擾商州定惟李雲麟是問多隆阿即飭藍斯明會同李雲麟相機兜剿藍斯明受傷情形並著查明具奏李雲麟前派之守備龍常等赴石泉同守城垣見據漢陰紳士稟稱龍常胡文勝駐紮城內與民團雜處恐誤事機張集營已令其會同守隘並令周有全就近調撥擇要嚴防著劉蓉即行知照李雲麟飭令龍常等扼要駐紮勿令賊氛擾近城垣是為至要漢中賊勢極為猖獗劉蓉當剋日進剿並知照多隆阿撥兵合擊以期早日殄除不得再有遲誤程景鵬殺斃馮元佐勾引土匪謀逆張集營已令同官縣知縣周文會等拏辦程景鵬不服拘拏業被眾勇砍斃眾勇悉遵約束見復出示曉諭願歸農者聽其歸農願赴甘者即由雷致遠帶赴慶陽所辦向屬妥協此起圍丁如由雷致遠帶赴慶陽著熙麟加意約束無令滋事張集營片內又稱寨內安靜可無他虞等語程景鵬既經誅鋤眾勇散遣自應將該寨平毀若仍畱空寨恐復有匪徒占踞為患將來是否另派公正紳耆與辦並著查明具奏其未獲之韓可英等仍飭地方文武嚴緝不准一名漏網將此由六百里諭知多隆阿熙麟劉蓉雷正綰並傳諭張集營知之○丁未僧格林沁國瑞富明阿奏臣僧格林沁自大名督軍南下十月初九日馳至許州偵探捻逆已由鎮平等處南遁未便遠道馳追致誤援蒙遂督軍兼程東行並函致臣國瑞帶領馬步隊伍馳赴蒙城會剿十四日臣僧格林沁馳抵亳州查探亳東四十里外各圩復叛從逆者不一而足即派翼長舒通額等進紮廟集一帶各寨畏懼兵威均出圍謁見惟蔣集匪首陳萬幅意圖盤踞抗拒旋將該逆誘出正法仍出示曉諭解散苗黨以孤賊勢復探得河南岸楊家寨保匪首楊心田盤踞東十五里之西洋集係匪首葛春元盤踞此二處均為苗逆前敵並有礙我軍糧道臣僧格林沁於十八日進紮高鍾集攻楊家寨賊圩該逆負隅抗拒我軍以炸礮晝夜轟擊二十日將該寨房屋然燒賊匪乘夜突出我軍過河追剿殺賊多名因黑夜未便窮追當將該寨平毀二十一日臣國瑞帶隊馳至高鍾集次日即進紮距蒙城十餘里之小調集臣僧格林

沁卽移紮西洋集之北岸葛家樓分軍進紮李家寨連日進攻西洋集賊寨該逆踞守甚密二十五日臣僧格林沁復商令臣國瑞帶兵赴蒙會合臣富明阿進攻南面賊營卽攻毀賊營一座是夜圍城賊匪復併力撲城並出犯長濠我軍守禦之際南路運糧賊營二十四座及蔡家圩逆眾悉行潛遁當經副都統恆齡等各率馬隊追擊殺賊極多恆齡卽在蔡家圩駐守二十六日臣等親督各軍分路進攻何建鼐先以炸礮猛攻西南要路傳振邦等帶隊齊進當將西南賊營攻破陳國瑞英翰詹啟綸分路進取連拔賊營斃賊無數敗匪向東奔突經陳國瑞等截殺過半餘皆撲河向北岸逃遁淹死甚多直至昏黑南岸僅賸東北三處賊壘復經陳國瑞親督勇隊攻破餘匪二千餘名向東南逃竄陳國瑞卽派隊跟蹤追剿其北岸僅賸賊營五座是夜亦經姚廣武等攻破賊眾拼力向長濠猛撲均經我軍槍礮擊斃總兵王萬清正在巡察之時適有三四人暗越長濠該總兵親持短兵奮力砍倒一名忽聞有苗先生被殺之說當將賊屍搶入營中呈請查驗臣等卽令蒙城縣知縣賀緒蕃紳士李南華等率眾前往辨認屬實當卽戮屍梟示是役共計殺斃賊眾數千蒙城之圍立解臣等一面卽行運送糧食入城軍民得慶再生歡聲動地其由沿河隄下潛行逃竄之賊不過數百人經托倫布等帶領馬隊截殺大半板橋集之匪亦卽返正陳國瑞派隊向東南追剿竄匪沿途擒殺殆盡逆黨苗憬開張建猷趙克元逃至雙澗集各寨隱匿經副將張從龍擒獲解營其雙澗等集均已誠心歸正至西洋集賊匪經官軍連日進攻轟斃無算該逆拚死拒守惟有趕緊調集步隊設法攻取復探擒首李大箇子魏羣率黨竄回岳家集等處擒首項盤等占踞石弓山等處臣僧格林沁已派翼長蘇克金等帶隊前往相機攻剿查逆賊苗沛霖已蒙 聖恩免治其罪竟不知悛改復行叛逆踞城戕官荼毒生靈實屬罪大惡極今幸仰賴 聖主威福將士用命一戰就戮並將悍黨苗憬開等一併生擒實足以伸 天討而快人心至陳國瑞奮勇殺賊不避艱險屢敗綸率勇攻剿亦頗出力王萬清陣斬巨惡甚屬勇往合無仰懇 聖恩將提奏總兵陳國瑞交部從優議敘總兵詹啟綸交部議敘補用總兵王萬清賞加勇號該員係由勇丁出身見在候補例無廉俸並擬賞銀一千兩以示鼓勵其餘出力官弁可否查明保奏之處出自 天恩又奏臣等以蒙圍既解至須分撥官兵進取懷遠等處以殄賊氛見在公同商酌臣富明阿卽帶領所部馬步官兵馳赴懷遠並令總兵陳國瑞帶領所部馳赴下蔡規取苗逆老巢復派臬司英翰帶領所部繼進作爲陳國瑞後路辦理安撫事宜隨時策應至豫省尚有張總愚率黨在西路滋擾該省前次截畱之黑龍江餘丁五百名見由臣僧格林沁派色爾固善前赴張之萬軍營妥爲教練以資防剿逾程二老砍見已率眾竄回亳州以南老巢聞又有出巢之信近日從逆之眾有來營投誠者亦有各處避匿者臣等見因兵力不敷分

撥暫時羈縻分別酌量准予來歸一俟兵力可分即當相機剿辦 上諭內閣僧格林沁等奏督軍進援蒙城斬賊首逆苗沛霖生擒悍黨踏平賊壘立解城圍一摺苗沛霖以諸生充當練總擢至道員不思圖報高厚竟敢怙惡不悛屢降屢叛戕官踞城荼毒生靈罪大惡極見經僧格林沁督兵砍殺戮屍梟示洵足以申國憲而快人心僧格林沁甫抵蒙城元兇授首具見調度有方深堪嘉尚著交部從優議敘富明阿國瑞著一併交部從優議敘記名總兵陳國瑞著俟補總兵後以提督記名簡放總兵詹啟綸著遇有提督缺出儘先提奏總兵王萬清著賞給勳勇巴圖魯名號蒙城官紳李南華等固守待援時逾數月卒能保全要地實屬異常奮勉李南華前經唐訓方保奏降旨以副將補用著再加恩交軍機處記名遇有總兵缺出請旨簡放署蒙城縣知縣賀緒蕃著免補知縣以同知直隸州知州補用並賞加四品銜以示優獎其餘解圍出力及嬰城固守之員弁官紳著僧格林沁等查明擇尤保奏候旨施恩○李鴻章奏查逆匪偽忠王部下偽王郅雲官伍貴汶汪汝均周汶佳等因回援蘇錫屢戰屢挫蘇省四路圍困金陵官軍攻奪孝陵衛糧路斷絕該逆大勢已去轉求管帶魁字營副將鄭國魁遞稟乞降臣以蘇州城大且堅猝難攻破暫行給諭招撫令程學啟鄭國魁反復開導曉以利害多設方略脅以兵威該偽王汪汝均郅雲官先後密約程學啟單騎相見於城北洋澄湖情詞懇順求勿開礮轟打臣與程學啟籌商蘇城本係忠逆巢穴該逆往來援救行蹤無定其城守事宜專交粵西老賊偽韓王譚紹洸主持譚逆堅忍兇狡從前杭州湖州各城均係該逆攻陷必須除此巨患勒令該降眾等或生擒忠逆或斬暮逆首級來獻始准收撫程學啟戈登自十月二十日起逐日偪抵城根挖壘濬濠修築礮臺安設大礮布置攻具為即日轟打之勢城內賊眾惟暮逆一股守志甚堅餘皆解體忠逆見人心散亂即於二十夜帶所部萬餘由胥門出走光福靈巖一帶小路搭橋而去二十三等日程學啟督隊攻婁齊二門李朝斌督水陸各軍攻封盤二門黃翼升督水師牽制閶門竄路晝夜不撤愈攻愈緊二十四日暮逆傳令各偽王上城堵禦正在對眾指揮郅雲官商令偽天將汪有為出其不意立拔腰刀刺殺之大眾呼噪齊入將暮逆死黨殺斃千餘郅雲官稟求調兵入城協剿是夜開齊門迎降程學啟即飭鄭國魁鄭國榜帶兩營隊伍入城彈壓二十五日郅雲官等齎暮逆譚紹洸首級來獻臣令營中降卒驗視無訛城內脅從概行薙髮程學啟親督各隊入婁門安撫降眾並督軍搜剿暮逆餘黨數百名李朝斌張遇春何安泰等帶隊由盤門截殺黃翼升等由閶門截殺又斃五六百名解散數千人惟投誠賊黨有四偽王四天將之眾欲求添立二十營隨同剿賊該酋等又在賊中為大頭目狼子野心恐其難制臣與程學啟暨諸將密商宜乘其窮蹙設法驅除免致尾大不掉另生枝節因令程學啟遣親信隊伍駐守婁齊封盤各門二十六日程

學啟督同劉士奇等帶隊分門並進擊斃悍賊二千餘名餘眾肉袒稽首乞就還散亦有捆載輜重財物驚 山城者於是城內稍就清理立將省城克復臣即日入城巡視並令程學啟督帶八營駐守一面會督地方官紳將存城降眾難民妥籌遣散安置之方以善其後臣查蘇省被踞四載與金陵杭州爲逆匪三大巢窟互相犄角根柢極爲深固臣由上海偏隅節節進攻本不得勢賊眾兵單時深惴懼仰蒙 皇上指授機宜多方激勵而督臣曾國藩遣將助兵隨事商榷將士和協一心遂得屢挫兇鋒圍逼城根黨眾乞降渠魁授首先下名城實非臣之愚慮所及皆緣 聖主威德遠被氣機大轉賊勢日衰金陵杭州當可以次得手遇缺提奏提督南頓鎮總兵程學啟忠勇謀略戰功最多經營蘇城甫及半年兵不滿萬所向無敵用兵如神應如何優加獎勵之處出自 聖裁英國兵官會帶常勝軍權授江蘇總兵戈登奮勇勤苦洞悉機謀火攻利器尤多贊助擬請旨酌加賞賚俾事竣回國藉示榮寵統領太湖水師候補提督處州鎮總兵李朝斌統領淮揚水師遇缺提奏提督淮揚鎮總兵黃翼升勞苦戰爭謀勇兼裕蘇州面面皆水惟水師之功居多該二員均應請旨酌予優獎至尤爲出力將領另繕清單懇恩施陣亡將弁並繕清單懇恩飭部從優議卹 上諭李鴻章奏督軍攻剿蘇州城垣賊勢窮蹙內應官軍入城截殺克復省城一摺覽奏實深欣慰仍著李鴻章督令將士乘勝進攻常州會師金陵埽穴擒渠廓清江境協辦大學士兩江總督曾國藩遣將助兵克復名城著交部從優議敘李鴻章自簡任江蘇巡撫以來悉心調度謀盡萬全疊下堅城戰功屢著此次督軍克復蘇州省城尤堪嘉尚著加恩賞加太子少保銜賞穿黃馬褂以示優獎黃翼升李朝斌均著賞給雲騎尉世職並交部從優議敘程學啟著賞給雲騎尉世職並賞穿黃馬褂權授江蘇省總兵戈登帶隊助剿洞悉機謀尤爲出力著賞給頭等功牌並賞銀一萬兩以示嘉獎○諭議政王軍機大臣等僧格林沁奏督軍進援蒙城踏平賊壘殲斃首逆立解城圍一摺苗沛霖怙惡不悛屢降屢叛前乘官軍回救臨淮糾合醜類圍撲蒙城深濠固壘志在必得自僧格林沁督師抵蒙軍威大振南路運糧之賊營及蔡家圩逆眾聞風潛遁該親王復督將領分路進攻踏平賊壘多座苗沛霖暗越長濠希圖免脫經王萬清短兵砍斃立解城圍覽奏曷勝欣慰見在元兇就戮壽州下蔡等處賊膽已寒亟宜乘勝進兵埽除巢穴且懷遠縣城昨據唐訓方奏業經收復著僧格林沁飭令富明阿督同陳國瑞等迅速進取下蔡苗逆老巢唐訓方恪遵昨日諭旨商同李世忠率水陸各軍分剿壽州踞匪並著曾國藩嚴飭駐守潁六之文武員弁會師夾擊務將苗逆餘黨悉數殲除毋令一名漏網至捻首李大箇子竄回岳家集項盤等占踞石弓山等處程二老砍復回亳州有出巢肆擾之信加以苗逆餘黨隨在可以併入見在僧格林沁在皖恐匪眾不敢回巢四出紛擾該大臣已派蘇克金等

分路攻剿一經得手更恐伺隙旁竄楚豫山左各邊境不可不加意防範力遏賊氛著官文吳棠嚴樹森張之萬閻敬銘分飭所屬豫爲戒備實力截剿儻匪蹤竄擾何省地方卽惟何省督撫是問不能寬貸也張之萬奏雷之黑龍江餘丁及察哈爾馬匹已據僧格林沁派令色爾固善赴豫教練著張之萬隨時整飭俾成勁旅其張總愚一股兒竄何處並著張之萬督飭張曜等趕緊殲除毋貽鄰患本日據李鴻章馳奏蘇州省城業經官軍克復計可乘勝進取無錫常州近來各路軍營更番奏捷天時人事大有轉機各路統兵大臣及各該督撫等受朝廷委任深恩其各振刷精神力圖掃蕩廓清函夏有厚望焉將此由六百里各諭令知之○諭李鴻章奏督軍攻剿蘇州克復省垣一摺逆匪盤踞蘇城與金陵杭城互爲犄角蘇城得手他處自不難迎刃而解惟忠逆帶所部萬餘由光福靈巖一帶小路搭橋而去此路係前次該逆首由許關潛入蘇城之路恐復自立一幟擁眾踞我要隘或竄出重圍紛擾他處希冀分我兵力著李鴻章迅卽查明忠逆實在下落具奏譚逆授首其手下之僞王天將等如何安置降眾除解散外分隸各營共有若干俟部勒稍定可以進攻常州該撫能否在蘇城駐守居中調度抑或親赴無錫常州督剿之處均著酌度妥辦上海一隅爲華洋交涉要地餉源所繫劉帥膏等日後能否辦理裕如並應否酌留武職大員在彼駐紮彈壓李鴻章仍當隨時兼顧以期周密忠逆兇狡異常人數尙眾此次見蘇城人心散亂卽率眾潛逃失勢之賊其部下亦必各懷離異著李鴻章一面設法用計誘擒一面檄令無錫等處官軍慎重防範來則痛加剿截該逆不得志於蘇必將肆毒於浙左宗棠務飭蔣益澧等嚴行防剿蘇垣既克杭省賊勢漸孤並著飭令各軍奮力攻克以成破竹之勢金陵至蘇之路已斷惟恐該逆仍思鋌走曾國藩飭令曾國荃加意慎防並乘隙圖取石城如能句合內應較有把握此外皖南江西鎮江江北等處頭頭是道曾國藩都興阿沈葆楨馮子材魁玉等當各飭將弁慎固地方勿令敗匪肆意闖入此次攻克蘇城戈登甚爲奮勇出力著李鴻章傳旨嘉獎本日已明降諭旨賞給戈登頭等功牌並賞銀一萬兩以示嘉獎所有銀兩著李鴻章籌款賞給外國本有寶星名目崇厚等曾經製造有式諒李鴻章亦必知所有賞給頭等功牌卽可做照變通辦理本日據僧格林沁奏蒙城解圍苗逆授首北路亦漸可廓清揚州及裏下河一帶防務已鬆都興阿駐紮揚州保衛裏下河等處完善之區見在江南賊勢日蹙亟須飭令水陸各營嚴密整備不可稍有罅漏爲賊所乘曾國藩總統諸軍尤當督飭各處帶兵大員愼益加愼以成全功同膺懋賞有厚望焉將此由六百里各諭令知之○予江蘇陣亡遊擊張福等祭葬世職○戊申諭議政王軍機大臣等劉長佑奏議輔軍務已竣遵旨回省酌留兵勇妥籌分布一摺劉長佑以直境漸就肅清各營標兵從征日久擬令暫爲休息概予撤回歸伍其各營勇丁除撤遣外見

存余承恩綽勇一千名崔福泰勇丁五百名李明惠陳飛熊等楚勇二千一百名並祝壇舊募豫勇一千五百名共練勇五千餘名分布開東長及廣平威縣衡水河間等處以資捍衛所籌尙屬周妥見在直東交界伏莽尙多此項勇丁自不能不酌量分布以備隨時搜捕防剿之用惟將來地方一律平靖增設營鎮議及久遠如該督前奏抽練營兵酌募勇丁各事宜仍須懷遵前諭一切俱從標兵體制募勇一節仍當於本省地方招募教練較爲得宜其見在撤存楚勇一俟全境清謐仍可隨時妥爲撤遣或調赴他省有賊處所剿賊較爲妥善至畿輔東西大道騎馬賊匪出沒剽掠該督見將各營選留膘壯馬勇二百名分赴大道各州縣搜緝此係何項馬勇統帶之員究係何人儻或以軍營遣撤毫無紀律之眾任其散布各州縣地方不但不能得力且恐借搜緝爲名到處騷擾或竟暗與馬賊通氣劫掠分肥均不可不嚴爲之備著劉長佑認真察看如不可畱卽當一律裁遣毋滋後患該督見已定期回省卽著將吏治營伍一切應辦各事宜實力整頓以副朝廷簡任畿疆至意提督鄭魁士自到營以來追剿賊匪頗著勞績見以舊傷胸寒舉發著准其回籍調養以示體恤其已革總兵伊綿阿並准其畱於大名防所以資得力將此諭令知之○會國藩彭玉麟楊岳斌奏臣玉麟率喻俊明等水師兩營並約吳坤修等陸師六營出金寶圩之北進攻水陽臣岳斌亦率李濟清等戰船來會師次窯灣九月二十六日喻俊明等乘夜運礮過河密排洲次撤夜環轟比曉將石壘攻毀遂合矣坤修李濟清等併攻水陽破之其南路則有成發翔等帶三板進南湖毀夾岸兩卡卽於次日衝過新河莊從油榨溝倒擊而下時王可陞由金寶圩之南進攻新河莊正與賊眾相持各水勇登岸大呼踰濠競入力攻新河莊又破之水陽迤北曰滄溪距滄溪十餘里曰塘溝爲直達高消之要路臣玉麟於二十九日令吳坤修等往取滄溪親督水陸各軍襲陷塘溝十月初一日進拔高消湖口賊壘並將長樂鎮攻克吳坤修亦自滄溪戰勝而還乃合軍謀進高消賊目楊友青遣人通款臣玉麟察其情詞可信責令將僞輔王餘黨剪除始許其降初二日率師入城安撫悉遣降眾是夜略地而東並取固城一鎮此水陸連破要隘收復高消縣城之情形也至江會義申法喜二酋自太平旌德叛去下竄東安鎮圖與僞匡王賴汶鴻合股易開俊以旌城初復賊未遠颺利在速戰而又慮廣德撫議未成仍爲該二酋挾之以叛也乃遣降人彭國鈞開道入廣德馳諭招之一面部勒營伍於初三日度環雲嶺將抵東安鎮市口賊館如雲散布村落聞我軍騰蹕而入所遇輒殲賊受大創闕然而潰維時甯郡守將劉松山方揚隊於場村何村一帶調知株木店增賊四五百人悉自東安鎮戰敗而來乃引軍突出截之賊眾駭奔劉松山親督各勇驅出廣德大路旋卽移軍東嚮將攻甯國縣城詎城賊賴汶鴻先經聞風宵遁而易開俊所派之軍適至遂與劉松

山會復城池初四日彭國鈞返自廣德引降將鄭魁武部眾萬餘人詣東安鎮軍前乞降易開俊曉以大義簡畱一營餘則
 概予貲遣惟鄭魁武舉眾來歸廣德一城又爲江申二酋叛黨乘虛竊踞矣初新河莊既克尚有東夏四壘爲建平東壩之
 樞紐初六日鮑超令馮標等屯軍曹塘進攻東夏賊恃牆闊濠深堅伏不出馮標等奮力齊進立將四壘攻破自是東壩守
 賊黎立新等密約內應建平守賊張勝祿等請獻城池定議建平撫事使馮標任之東壩戰事則鮑超與臣玉麟任之初七
 日臣玉麟率水師入營及吳坤修陸勇六營鮑超亦率馬步十三營合趨東壩見上壩高峙三大壩壩後築有偽城橫互數
 里正議分軍立寨偽隨王楊柳谷馳告壘賊梗命楊輔青實爲謀主乞速進兵以踐黎立新之約鮑超即令譚勝達等統壘
 圍攻臣玉麟亦令喻俊明等五營依護吳坤修等各隊直出壘下適臣岳斌飛檄而來督令李濟清等專向水路助陣戰不
 逾時殲賊盈千賊多踰壘而逸楊輔青從亂軍中敗往溧陽而楊柳谷立獻偽城乃克東壩要隘東壩復而建平之捷書亦
 至自馮標入境宣諭張勝祿等十二人感激涕零矢志不貳卽於是日斬僞跟王藍仁得舉城以降建平復而溧水之降書
 又至踞溧水者爲楊英青黨眾萬餘願繳軍械各散回籍十二日臣玉麟會同臣岳斌帶隊進城撫慰盡將降眾遣散伏查
 江皖接壤之區以東壩爲最要關鍵仰賴天威震疊誓服羣酋旬日之間收復四城攻克東壩臣國藩見檄鮑超全軍駐
 守東壩保此三省扼要之地卽爲附近遊擊之師檄派王可陞守溧水李榕守建平洪容海守高淳朱品隆喻吉三兩軍分
 守青陽石埭太平三城易開俊劉松山兩軍分守甯郡旌德涇縣三城此外無兵可撥以故廣德一州未能進剿甯國一縣
 未能置守諸賊目革面自新有裨全局似宜宥其罪而並錄其功相應開列願懇聖恩分別給予虛銜頂戴以昭激勸其餘
 大小頭目可否酌給虛銜此次在事出力人員可否容臣等查明併案保獎之處出自逾格鴻施陣亡各員弁均俟一併確
 查彙案請卹

上諭

皖南水陸官軍陸續攻克水陽新河莊東壩各隘高淳甯國建平溧水四城賊目楊友青楊柳谷鄭魁武

張勝祿等或率眾投誠或獻城內應辦理甚爲得手惟投誠畱營之眾須隨時畱意妥爲駕馭勿令再有反覆其遣散之眾亦

須令其呈繳軍械分散行走毋聽其隨地屯集復成巨股江申二逆乘虛竊踞廣德州城該處爲江皖門戶最係扼要之區曾

國藩務當乘此聲威派撥勁旅迅速馳往將該城攻拔以期與浙師聯絡皖南境內已無大股賊匪曾國藩派撥諸軍分駐青

陽等各城著卽飭令駐守各軍將附近餘匪分路剿除並飭前敵水陸各營乘勝由東壩高溧一帶分途進取自當勢如破竹

李鴻章一軍既克蘇城無錫常郡自可迅勿而解該大臣當檄飭各營將士與李鴻章聯絡聲勢節節進取爲合圍金陵之計

仍須愼益加愼勿稍大意將此由六百里諭令知之○諭張集馨奏收復山陽縣城石泉擊賊獲勝雷正綰等軍剿辦情形請

保出力紳團並定遠廳團勇防剿得力各摺片山陽縣城踞匪經李雲麟藍斯明兩路進攻該逆乘夜東竄至中村銀花一
帶當將縣城退出此股逆匪已距商州不遠該處界連秦豫楚三省山徑紛歧設爲該匪盤踞勢將滋蔓難圖且與豫省之
浙川鎮平內鄉等處甚近尤慮其勾結張總愚股匪蔓延秦豫見在山陽縣賊匪雖經棄城東遁並未大受懲創著李雲麟
懷遵前旨迅將此股殄滅淨盡儻任其盤踞商城致與豫捻勾合惟李雲麟是問龍常一軍遷延數日始由興安進至石泉
復節次退至池河漢陰沿途滋擾以致民心疑懼幾誤大局總由李雲麟紀律不嚴所致守備龍常著即先行革職仍著李
雲麟查明該革員如有縱勇滋擾情節即著嚴參重懲毋稍姑息其所部隴軍多有城固潰勇極不安分恐蹈漢南城固覆
轍句結外匪著即責成李雲麟查察如不可用卽行遣撤興安一帶防堵緊要兵力甚單李雲麟務將中村銀花一帶股匪
速行剿盡卽由商州移師興安聯絡鄉團認真防守周有全所統礮船見經鄂省檄調東回鄖陽惟茶鎮地方最當衝要非
得此軍扼守不能杜賊紛竄周有全前已有旨令其暫署陝安道篆務著官文嚴樹森飭令該員速赴新任並將所部礮船
仍歸該員統帶前進扼要防守不得藉詞奏畱武關一帶地近商州著多隆阿撥兵嚴密扼守雷正綰曹克忠陶茂林各軍
分路剿辦白吉原等處之賊該匪見聚麟遊一隅著多隆阿卽飭令該將士等繞出賊前杜其竄往平涼之路所有陝省西
南兩路各州縣出力團練卽著張集馨加以激勸其實在出力者查明保奏以資鼓勵毋許冒濫定遠廳三面皆賊並無官
兵助剿該處民團同心禦侮屢卻兇鋒殊堪嘉尙如再能始終奮勉卽著查明奏獎並著劉蓉進圖漢南速行攻克毋令該
匪四出紛擾日滋蔓延將此由六百里諭知官文多隆阿劉蓉嚴樹森李雲麟並傳諭張集馨知之○諭毛鴻賓等奏收復
信宜縣城陳逆餘黨全行解散並容縣岑溪次第克復石逆餘黨見竄懷集縣境檄調楚軍進剿各摺片此次高州軍務雖
經崑壽督軍前往疊破賊之堅巢軍威丕振該督督辦全省軍務尤須愼益加愼不可稍自矜飾降服人數太多又有同時
投誠之化州石水堡西甯排阜加益陽春八甲雙滘等處餘匪一時解散均未大經懲創務須妥籌辦理不可稍涉苟且致
令反側滋生事端信宜等處善後事宜尤須切實講求辦理容縣岑溪相繼收復兩廣軍情同時得手其由容岑逃往藤縣
之羅洞等處餘匪卽著毛鴻賓等嚴飭方耀等軍會合西師乘勢掃除務期淨盡毋畱餘孽並著與張凱嵩飭令唐啟蔭將
澤春會同督率文武紳團合力防剿及將一切撫綏善後各事宜妥爲辦理廣海客匪遁歸老巢著該督撫速飭卓興得勝
之師移剿陽春一路痛彰捷伐務令刁頑咸知悔懼仍督令地方官吏剿撫兼施設法妥爲解散安插俾客土霽端永絕方
爲妥善石逆餘黨李幅猷由蜀繞黔闖入楚境復擁眾竄擾粵邊節經諭令楚黔兩粵各督撫合兵剿辦茲據毛鴻賓所奏

李幅猷自率大股竄往廣西其黨李幅曾貴在廣西懷集縣之石埕坑尾樹柵屯糧將圖久踞該處逼近廣東陽山縣境逆黨之計圖員阻垂涎粵東膏腴可想而知毛鴻賓見已檄調張運蘭一軍由郴州度騎田嶺直抵連州順流進剿即著該督與惲世臨嚴飭此軍星速進兵務乘石埕等賊壘未堅迅速掩捕並令見駐宜章之楊虎臣所部嚴堵該逆竄越江楚之路此收餘匪游弋楚粵邊界已久人數尙眾若使負隅久踞及遣黨四出乘隙鳴張剿辦又將費手毛鴻賓惲世臨張凱嵩等即當督楚粵諸軍會合兜剿乘賊游魂殘喘之際一鼓殲除儻或進剿不能實力各懷觀望令餘匪仍復蔓延必惟該督撫是問乃月奏請將劫盜重案酌擬章程變通辦理等語業照所請明發諭旨准行粵東民俗頑悍者多當此地方積亂之後自應設法變通辦理以資整頓但人命至重亦須嚴飭地方官吏不得藉此擅作威福任意草菅致滋流弊將此由六百里各諭令知之○己酉左宗棠奏劉典一軍移紮績溪後僞金王僞東平王僞根王等數大股不能上犯徽歙遂由甯國縣千秋關竄入浙境蔓延昌化於潛一帶直至淳安分水邊界希圖擾我腹地以牽動杭州餘杭官軍之勢劉典聞賊竄昌化之信即飭總兵黃少春補用知府李耀南等各率所部於九月十八日自績溪啟行由昱嶺關赴昌化進剿並派張聲恆所部千人回扼淳安而自駐績溪縣臨溪地方以防旌德之賊上犯二十一日黃少春等行至株柳地方遇先鋒悍賊百餘人盡殲之乘勝進攻水穿司賊巢該逆猝不及防殺賊數百名正俘斬間後面賊隊突至憑河抗拒李耀南揮兵齊進賊勢不支紛紛敗竄我軍追至白牛橋忽僞金王根王等大隊驟擁來援我軍扼橋力堵鏖戰良久賊復從右路山谷竄出幸黃少春等先已派隊伏叢莽中賊至伏發復斃賊百餘名李耀南等俟黃少春等鈔出賊後亦奪橋而進賊大驚潰我軍三面合追該逆奪路狂奔沿途斃賊數百名生擒二百餘名立將昌化縣城收復餘黨向甯國縣界竄去是夜於潛太陽埠錫口等處之賊亦聞風潛遁二十二日黃少春等督隊冒雨追之不及遂收隊還二十八日仍折回安徽績溪老營該隊後起復由甯國竄至孝豐與前由廣德竄來各股合隊眾尙數萬十月初三四等日分爲兩股一竄臨安西鄉一竄臨安北鄉去餘杭青山官軍營盤均不甚遠臣飛飭駐紮新城副將劉明燈等派隊進剿蔣益澧亦飭遊擊徐文秀率所部五營赴亭子頭會剿初八日各營馳抵臨安北路賊見官軍至即倉皇奔逃僅追殺數十名初九日劉明燈等進攻西路賊巢一鼓齊進該逆紛紛驚竄各勇圍殺斃賊七八百名生擒三百餘名餘賊翻山北竄見在杭州餘杭兩城該逆堅守如故各軍防剿援賊勢難合圍應俟援皖各軍回浙乃敷分布臣前以皖賊紛紛竄浙上游喫緊石太旌德未復徽防不可稍鬆王開琳雷防夥縣劉典移軍績溪均難遽撤不得不暫屯嚴州以期上下兼顧頃據報皖南軍情石埕古逆獻城投降太平旌德逆匪或降或

所需糧餉等項迅籌撥解以資軍食該督等務當於萬難籌措之中設法接濟恩麟前次奏撥山西協餉係指撥雷正綰軍營之用並著英桂鄭敦謹懷遵前諭督同河東道於省庫運庫無論何款先行籌撥銀數萬兩剋期解甘以濟要需甘省地方彫敝英桂鄭敦謹當不分畛域儘力籌措陸續解赴甘省毋稍延誤將此由六百里諭知熙麟英桂並傳諭恩麟鄭敦謹知之○辛亥諭議政王軍機大臣等當明阿奏苗黨剿洗殆盡皖北漸就肅清請撤回揚防官兵一摺苗逆就殲以後壽州下蔡等處自必望風瓦解李世忠等在顧壽如何得手陳國瑞等是否將下蔡老巢掃平近日軍務情形著僧格林沁詳細馳奏江南蘇州府城克復後見在緊攻無錫常州金陵亦漸合圍若偏之愈緊恐逆眾窮極思竄江北實當衝要沿江綿長二百餘里港汊紛歧裏下河一帶完善之區髮逆久已注意揚防存兵無多不敷分布若有貽誤關繫非輕援蒙各軍爲數不少況首逆已誅皖事漸定江北援軍當可酌量調回著僧格林沁悉心籌畫如富明阿所帶各兵無須畱辦防務即將揚防派來之兵全數撤回以資調遣李世忠蔣凝學進剿顧壽各軍著僧格林沁曾國藩飭令實力進攻不得因有大軍在皖稍存推諉觀望之心其蒙城附近各圩僧格林沁唐訓方派兵次第收復務期一律肅清苗逆黨與亦必須殲除淨盡無貽後患江北防務都興阿吳棠當就見有兵力悉力嚴防勿以目前無事稍涉大意江面水師都興阿尤宜悉心整頓以資得力富明阿另奏傷疾復發請回清淮調理一片富明阿著賞假一箇月前赴清淮安心調理仍著隨時察探江北軍情與都興阿協力相機辦理將此由六百里各諭令知之○諭前據李雲麟奏藍二順股匪由山陽竄走中村銀花一帶當經諭令李雲麟以追賊自任力籌堵剿毋任分股北竄商潼等處茲據張集馨奏山陽竄出逆匪已由瓦房灘竄商南城下盤踞東岡勢甚危迫藍斯明進紮武岡所部僅二千人未免單弱多隆阿分兵四出勢難抽撥而李雲麟銳意西行不但商南城圍無兵可解設該匪竄入龍駒寨則糧道後路梗塞深爲可慮等語山陽失守以後李雲麟既不能迅圖攻克已難辭咎見在該匪紛竄商南該京堂又全軍西行並不駐軍截剿前奏既知藍斯明兵力單薄又不分兵協助設此股賊匪蔓延楚豫完善地方該京堂自問當得何罪著懷遵前旨督率兵勇迅解商南城圍殲除藍逆稍贖前愆興安防守事宜李雲麟自應妥籌兼顧至規復漢中郡縣則須俟劉蓉督兵入陝會商夾擊方克有濟李雲麟於區區山陽一城尚不能剋期攻拔輒欲由興安進兵西上獨不思漢南羣盜如毛豈李雲麟一軍所能埽蕩者且舍目前之賊不剿而欲遠剿興安之賊揆之兵家緩急機宜豈有如此辦法著卽迅速回軍援剿毋令賊氛擾及商雒自滋罪戾多隆阿盤屋之師計日即可得手能否添撥數營助藍斯明攻剿之處或就曹克忠等援甘各軍內調回數營以資截剿均著該大臣迅速斟酌調派毋稍稽遲陝南賊勢